

## ԱՐՁԱՆԱԳՐՈՒԹՅՈՒՆ

06.05.2024թ.

Վայք համայնք՝ Սարավան բնակավայր

2024թ. մայիսի 06-ին ժամը 12.00-ին՝ «Շրջակա միջավայրի վրա ազդեցության գնահատման և փորձաքննության մասին» ՀՀ օրենք (2014) հունիսի 21-ի ՀՕ-110-Ն Հայաստանի Հանրապետության օրենքում փոփոխություններ կատարելու մասին (Փոփոխությունները 2023 թվականի մայիսի 3) Օրենքի, ինչպես նաև ՀՀ կառավարության 28 դեկտեմբերի 2023 թվականի «Հայաստանի հանրապետության կառավարության 2014 թվականի նոյեմբերի 19-ի N 1325-Ն որոշման մեջ փոփոխություն կատարելու մասին» N 2343 - Ն որոշմամբ սահմանված կարգով, ՀՀ Վայոց Ձորի մարզի Վայք համայնքի Սարավան բնակավայրի վարչական ղեկավարի նստավայրում իրականացվել է «ԷԼԻՏ-ՔՆՍԹՐԱՔՇՆ»ՍՊԸ-ի կողմից Վայոց ձորի մարզի Վայք համայնքի, Սարավան 8-րդ փողոց 2/1 հողամասում նախատեսվող արևային ֆոտովոլտային կայանի կառուցման գնահատման հաշվետվության վերաբերյալ առաջին հանրային քննարկումը:

Հանրային քննարկմանը ներկա էին գործունեության իրականացման Սարավան ազդակիր բնակավայրի ղեկավարը, բնակավայրի բնակիչներ, Ձեռնարկողի, հաշվետվությունը մշակող ընկերության ներկայացուցիչները:

**Հանրային քննարկումը բացեց՝** շրջակա միջավայրի վրա ազդեցության հաշվետվությունը մշակող «Նովալ»ՍՊ ընկերության ներկայացուցիչ Թ. Նուրիջանյանը, որ նախատեսվող գործունեությունն իրականացվելու Սարավան բնակավայրի վարչական տարածքում՝ 6.20356 հա տարածքի վրա և հողի նպատակային և գործառնական նշանակությունը էներգետիկ հողատեսք է:

Հանրային	քննարկման	ընթացքում	ելույթ	ունեցան՝
----------	-----------	-----------	--------	----------

**Ձեռնարկողի՝ «Էկոփիլ»ՍՊ ընկերության ներկայացուցիչ Հարություն Ավագյանը** ներկայացրեց նախատեսվող գործունեության իրականացման նախագծային լուծումները, նշելով որ «ԷԼԻՏ-ՔՆՍԹՐԱՔՇՆ»ՍՊԸ-ն իր գործունեությունն իրականացնելու է Հանրային ծառայությունները կարգավորող հանձնաժողովի կողմից ընկերության տրամադրված լիցենզիայի հիման վրա: Գործունեության տարածքում կատարվելու են միայն հողային աշխատանքներ: Կառուցվող արևային կայանը միացվելու է «Որոտան» 2 110/6 կՎ ենթակայանի 6ԿՎ ԲՍ-ին՝ 1.4կմ երկարության 6կՎ լարման էլեկտրահաղորդման գծով: Կարևորեց, որ բացվելու են նոր աշխատատեղեր՝ շինարարության և շահագործման փուլերում: Առաջնահերթությունը տրվելու է համայնքի բնակիչներին:

**Թ. Նուրիջանյանը** ներկայացրեց արևակայանի կառուցման հետևանքով շրջակա միջավայրի բաղադրիչների՝ օդային ավազան, ջրային և հողային ռեսուրսների, կենսաբազմազանության, մարդու առողջության վրա հնարավոր ազդեցությունները՝ շինարարության և շահագործման փուլերում, ինչպես նաև հնարավոր ազդեցությունների կանխմանն ու մեղմմանն ուղղված բնապահպանական միջոցառումները: Մասնավորեցրեց թափոնների լուծման խնդիրները շահագործման փուլերում, դրանց վնասակար ազդեցությունների մեղմման ուղղված միջոցառումները: Նշեց, որ տարածքը ենթարկվել է մարդու ազդեցությանը, քանի որ կից գտնվում են շինությունների մնացորդներ: ԳԱԱ

Հնագիտության և ազգագրության հետազոտության մասնագետների կողմից կատարվել տարածքի ուսումնասիրություն՝ հնագիտական և պատմամշակութային շերտեր՝ հայտնաբերման նպատակով, համաձայն որի տրածքում վերջիններիս առկայությունը բացակայում է: Ներկայացրեց նաև արևակայանների կառուցման համառոտ նկարագիր՝ նշելով, որ կառուցվելու 5,000 մ-ից հզորության արևային կայան՝ բազմաբյուրեղային ֆոտովոլտային վահանակներով, ենթակայան: Աշխատանքների ավարտից հետո տարածք բարեկարգվելու է:

Սարավանի բնակիչները հարց բարձրացրեցին գործունեության տարածքի գտնվել վայրի վերաբերյալ:

Հ. Ավագյանը պատասխանեց, նշելով որ տարածքին կից գտնվում են շինություններ մնացորդներ, որը նախկինում օգտագործվել է որպես աշխատողների համար պանսիոնատ:

Բնակիչները հարց բարձրացրեցին բնակիչներին պատկանող կից հողատարածքներ հետ գործունեության տարածքի համընկնման վերաբերյալ:

Սարավանի վարչական ղեկավար Ռ. Մանուկյանը պատասխանեց, որ գործունեության տարածքը գյուղացիների հողատարածքներից բաժանվում է գոյություն ունեցող գրունտային ճանապարհով:


Հ. Ավագյանը հավելեց, որ մանրամասն հաշվարկել են նախագծային լուծումներ որպեսզի գյուղացիների հողատարածքների հետ համընկնումներ չլինեն:

Բնակիչները հարցք բարձրացրեցին աշխատատեղերի քանակի, աշխատավարձի, Սարավան բնակավայրում սոցիալական ներդրումների վերաբերյալ:

Հ. Ավագյանը պատասխանեց, որ շինարարության փուլում լինելու է մոտ աշխատատեղ՝ մոտ 10000 դրամով օրավարձով, շահագործման փուլում 4-6 աշխատող, ի սոցիալական ներդրումների ուղղությունները կքննարկվեն համայնքի հետ, հաշվի առնելու նաև Սարավան բնակավայրի խնդիրները:

Այլ հարցադրումներ չեղան:

Վարող՝ Սարավան բնակավայրի  
վարչական ղեկավար՝ Ռ. Մանուկյան



«Էկոմիլ»ՍՊԸ-ի ներկայացուցիչ

Հ. Ավագյան

*Handwritten signature*

*Handwritten signature*